

**- SENAT -**

Broj: 01-14-1/24

Sarajevo, 04. 09. 2024. godine

**Z A P I S N I K****SA 39. VANREDNE SJEDNICE SENATA****UNIVERZITETA U SARAJEVU ODRŽANE 04. 09. 2024. GODINE**

**Prisutni/e članovi/ice Senata:** prof. dr. Rifat Škrijelj, rektor, prof. dr. Tarik Zaimović, prof. dr. Dženana Husremović, prof. dr. Tamara Karča Beljak, prof. dr. Dušanka Bošković i prof. dr. Enita Nakaš, prorektor/ice, prof. dr. Dubravka Pozderac-Lejlić, prof. mr. Faruk Lončarević, prof. dr. Meliha Bašić, prof. dr. Jasmin Velagić, prof. dr. Kenan Musić (po ovlaštenju), prof. dr. Jasmin Ahić, prof. dr. Sead Turčalo, prof. dr. Husnija Kajmović (po ovlaštenju), prof. dr. Ahmed Ahmić (po ovlaštenju), prof. dr. Samir Bojičić (po ovlaštenju), prof. dr. Fahir Bečić, prof. dr. Kenan Šljivo, prof. dr. Mirza Pozder (po ovlaštenju), prof. dr. Mario Bernadić, prof. dr. Vahidin Hadžiabdić (po ovlaštenju), prof. dr. Amina Valjevac, prof. dr. Ališer Sijarić, doc. ddr. Esad Kadušić (po ovlaštenju), prof. dr. Jasmin Grahić (po ovlaštenju), prof. dr. Zinka Grbo, prof. dr. Nusret Drešković, prof. dr. Muhamed Smajlović, prof. dr. Adaleta Durmić-Pašić, dr. sc., dr. sc. Rasim Muratović, te predstavnik/ica Udruženja Studentski parlament Univerziteta u Sarajevu: Imran Pašalić, predsjednik i Ema Huseinčehajić,

**Odsutni/e članovi/ice Senata:** prof. dr. Mirza Dautbašić, Hamdo Solo, MA, prof. dr. Erdin Salihović, prof. dr. Muhamed Ajanović, prof. dr. Ahmet Lojo, dr. sc. Aladin Husić, dr. sc. Sedad Bešlija, dr. sc. Jasmin Hodžić, prof. dr. Emir Tahirović, Rijad Crvenjak, Ali Jusović, Almedin Sinanović, Ahmed Parić i Josipa Bošnjak.

**Sjednici prisustvuju:** Kenan Filipović, dipl.iur., generalni sekretar Univerziteta u Sarajevu, Berina Smajlović-Doljančić, rukovoditeljica Službe za pravne poslove Univerziteta u Sarajevu i Alma Voloder-Madacki, viša stručna saradnica u Službi za pravne poslove u svojstvu zapisničarke.

Sjednica je počela u 13:00 sati.

Sjednicom je predsjedavao prof. dr. Rifat Škrijelj, rektor Univerziteta u Sarajevu.

Utvrđeno je da od ukupno 46 članova/ica Senata, sjednici prisustvuje 32 članova/ica Senata sa pravom glasa, od toga 8 (osam) članova/ica sa ovlaštenjem koje se nalazi u dokumentaciji Senata.

Prof. dr. Rifat Škrijelj je istakao da je uslijed pritisaka Inspektorata prosvjetne inspekcije Kantona Sarajevo, a u vezi sa realizacijom izrečene mjere Inspektorata prosvjetne inspekcije Kantona Sarajevo i Presude Kantonalnog suda u Sarajevu u predmetu davanja saglasnosti na raspisivanje konkursa za izbor nastavnika u zvanju docenta za predmete *Farmakologija I* i *Farmakologija II – 1* izvršilac sa punim radnim vremenom na Univerzitetu u Sarajevu – Farmaceutskom fakultetu, poziv za 39. vanrednu sjednicu Senata sa pratećim materijalom dostavljen članovima i članicama Senata prije početka godišnjih odmora, odnosno 24. 07. 2024. godine. Prof. dr. Rifat Škrijelj je također istakao da je Univerzitet u Sarajevu u isto vrijeme obavijestio Kantonalnu upravu za inspekcijske poslove Kantona Sarajevo o mirovanju prava i rokova za vrijeme trajanja godišnjeg odmora na Univerzitetu u Sarajevu u skladu sa Akademskim kalendarom, te naglasio da je Inspekcija informirana da je činom sazivanja sjednice Senata započeo postupak realizacije Presude Kantonalnog suda u Sarajevu broj: 09 0 U 041770 22 U od 03. 07. 2024. godine.

Nadalje, prof. dr. Rifat Škrijelj je naglasio da je danas u prijepodnevnim satima, od strane Inspektorata izvršen kontrolni inspekcijski nadzor u ovom predmetu, te je postupajući Inspektor na Zapisnik konstatirao da je počinjen prekršaj i da će djelovati novim zaključkom o dozvoli prisilnog izvršenja rješenja sa novčanim kažnjavanjem, odnosno sa novim rokom za izvršenje, iako je nesporno da je od strane Univerziteta poduzeta radnja za izvršenje mjere samim činom sazivanja sjednice Senata i predloženom tačkom dnevnog reda „Realizacija Presude Kantonalnog suda u Sarajevu broj: 09 0 U 041770 22 U od 03. 07. 2024. godine“.

Prof. Škrijelj je zaključivši uvodno izlaganje konstatirao da će u nastavku, kroz dopune dnevnog reda za ovu sjednicu, biti vidljivo represivno djelovanje Inspektorata prosvjetne inspekcije, odnosno djelovanje protiv autonomije, akademskih sloboda i prava studenata na Univerzitetu u Sarajevu, kompromitovanim i nezakonitim uplitanjem u akademske procedure kroz prijetnje novčanim kaznama.

U skladu sa izlaganjem prof. dr. Rifata Škrijelja, prof. dr. Dženana Husremović je informisala članice i članove Senata da su na Univerzitetu u Sarajevu dana 02. 09. 2024. godine izvršeni inspekcijski nadzori o čemu su sačinjeni zapisnici. Prvi nadzor se odnosi na prijavu na okolnosti sticanja magistarske diplome Ramović Muhameda na Univerzitetu u Sarajevu – Fakultetu političkih nauka, dok se drugi nadzor odnosi na prijavu kojom se inicira stavljanje van snage Odluke Senata broj: 01-13-33/24 od 17. 07. 2024. godine, kojom se daje mogućnost fakultetima/akademijama da se u septembarskom roku dva ispita iz jedne studijske godine planiraju u jednom danu u različitim terminima, odnosno u prijepodnevnim i popodnevnim satima.

Nadalje, prof. dr. Dženana Husremović je predložila da se na današnjoj sjednici razmotri i prijedlog Izdavačkog savjeta Univerziteta u Sarajevu o davanju saglasnosti da Monografija „Univerzitet u Sarajevu (2016-2024): reforma i integracija“, bude izadata kao univerzitetsko izdanje u printanoj i elektronskoj formi.

Prof. dr. Rifat Škrijelj je predložio da pod tačkom *Tekuća pitanja* informiše članice i članove Senata o postupanjima Inspekcije u vezi sa izbornom sjednicom Senata Univerziteta u Sarajevu, odnosno izborom Rektora Univerziteta u Sarajevu.

Uvažavajući naprijed navedeno, članice i članovi Senata su jednoglasno usvojili slijedeći

#### **D N E V N I R E D:**

1. Realizacija Presude Kantonalnog suda u Sarajevu broj: 09 0 U 041770 22 U od 03. 07. 2024. godine
2. Zapisnik o inspekcijskom nadzoru Inspektorata prosvjetne inspekcije Kantona Sarajevo, broj: UP-1-14-12-34-01889/24-12/05 od 02. 09. 2024. godine
3. Zapisnik o inspekcijskom nadzoru inspektorata prosvjetne inspekcije Kantona Sarajevo, broj: UP-1-14-12-34-13920/24-12/08 od 02. 09. 2024. godine
4. Izdavački savjet
5. Tekuća pitanja

#### **T O K S J E D N I C E:**

##### **Ad-1.**

**Realizacija Presude Kantonalnog suda u Sarajevu broj: 09 0 U 041770 22 U od 03. 07. 2024. godine:**

U sklopu ove tačke Dnevnog reda prof. dr. Rifat Škrijelj je, dao riječ generalnom sekretaru gosp. Kenanu Filipoviću da kao uvodničar ukratko informira članice i članove Senata o ovom predmetu.

Gosp. Kenan Filipović je istakao da su od strane Inspektorata prosvjetne inspekcije izvršena četiri kontrolna nadzora i donesena ukupno tri zaključka o dozvoli prisilnog izvršenja rješenja sa novčanim kažnjavanjem, te izrečeno ukupno šest prekršaja, od čega su tri za pravno lice i tri za odgovorno lice.

Gosp. Filipović je naglasio da će i po današnjem održanom kontrolnom nadzoru bit izrečen novi prekršaj za pravno i dogovorno lice i donesen novi četvrti po redu zaključak o dozvoli prisilnog izvršenja rješenja sa novčanim kažnjavanjem.

S druge strane, pokrenuta su ukupno četiri upravna spora, od čega je jedan okončan donošenjem Presude Kantonalnog suda u Sarajevu od 03. 07. 2024. godine, podnesen Zahtjev za vanredno preispitivanje ove Presude Vrhovnom sudu FBiH i podnesena apelacija Ustavnom sudu BiH. Gosp. Filipović je na kraju svog izlaganja konstatirao da se na današnjoj sjednici Senat treba izjasniti o realizaciji predmetne Presude, odnosno izvršenju Rješenja Kantonalne uprave za inspeksijske poslove Kantona Sarajevo, Inspektorata prosvjetne inspekcije iz februara 2022. godine, kojim je naloženo Univerzitetu u Sarajevu da se obustavi od izvršenja tačka 2. Odluke Senata Univerziteta u Sarajevu broj: 01-23-54/21 od 22. 12. 2021. godine, kojom se daje saglasnost na raspisivanje konkursa za izbor nastavnika u zvanju docenta za predmete Farmakologija I i Farmakologija II – 1 izvršilac sa punim radnim vremenom na Univerzitetu u Sarajevu – Farmaceutskom fakultetu.

Na zahtjev prof. dr. Rifata Škrijelja kompletna hronologija aktivnosti sa kojom raspolaže Univerzitet u Sarajevu u ovom predmetu se navodi u nastavku:

1. Dana 28. 02. 2022. godine doneseno je Rješenje Kantonalne uprave za inspeksijske poslove Kantona Sarajevo, Inspektorata prosvjetne inspekcije,
2. Dana 17. 03. 2022. godine Univerzitet u Sarajevu izjavio je žalbu na predmetno Rješenje drugostepenom organu Ministarstvu za nauku, visoko obrazovanje i mlade Kantona Sarajevo,
3. Dana 10. 03. 2022. i 18. 03. 2022. godine Farmaceutski fakultet uputio je Kantonalnoj upravi za inspeksijske poslove zahtjev za produženje roka za izvršenje predmetnog Rješenja,
4. Dana 01. 04. 2022. godine Kantonalna uprava za inspeksijske poslove je odbila Zahtjev za produženje roka,
5. Dana 20. 04. 2022. godine Farmaceutski fakultet obavijestio je postupajućeg inspektora da je donesena Odluka Senata o izboru u zvanje po predmetnom konkursu i da nisu u mogućnosti izvršiti predmetno Rješenje,
6. Dana 06. 06. 2024. godine Ministarstvo za nauku, visoko obrazovanje i mlade Kantona Sarajevo je donijelo Rješenjem kojim žalba Univerziteta odbija kao neosnovana i potvrđuje prvostepeno Rješenje Kantonalne uprave za inspeksijske poslove,
7. Dana 08. 11. 2022. godine Univerzitet u Sarajevu je protiv drugostepenog Rješenja Ministarstva u ovom predmetu tužbom pokrenuo upravni spor,
8. Dana 14. 11. 2022. godine na Univerzitetu u Sarajevu izvršen je prvi kontrolni nadzor u kojem je utvrđeno da Rješenje Inspektorata nije izvršeno i postupajući inspektor je pravnom i odgovornom licu Univerziteta izdao prekršajne naloge,
9. Dana 20. 11. 2022. godine Inspektor je donio prvi Zaključak o dozvoli prisilnog izvršenja predmetnog Rješenja sa novčanim kažnjavanjem,
10. U zakonski ostavljenom roku Univerzitet u Sarajevu je izjavio žalbu drugostepenom organu (Ministarstvu) na prvi Zaključak o dozvoli prisilnog izvršenja predmetnog Rješenja sa novčanim kažnjavanjem,
11. Dana 07. 02. 2023. godine na Univerzitetu u Sarajevu izvršen je drugi kontrolni nadzor u kojem je utvrđeno da Rješenje Inspektorata nije izvršeno i postupajući inspektor je pravnom i odgovornom licu Univerziteta izdao prekršajne naloge,

12. Dana 13. 03. 2023. godine Inspektor je donio drugi Zaključak o dozvoli prisilnog izvršenja predmetnog Rješenja sa novčanim kažnjavanjem,
13. U zakonski ostavljenom roku Univerzitet u Sarajevu je izjavio žalbu drugostepenom organu (Ministarstvu) na drugi Zaključak o dozvoli prisilnog izvršenja predmetnog Rješenja sa novčanim kažnjavanjem,
14. Dana 30. 03. 2023. godine Ministarstvo je odbilo kao neosnovanu žalbu Univerziteta na prvi Zaključak o dozvoli prisilnog izvršenja predmetnog Rješenja sa novčanim kažnjavanjem, u nastavku Univerzitet u Sarajevu je zakonski ostavljenom roku pokrenuo upravni spor protiv ovog Rješenja Ministarstva,
15. Dana 12. 04. 2023. godine Ministarstvo je odbilo kao neosnovanu žalbu Univerziteta na drugi Zaključak o dozvoli prisilnog izvršenja predmetnog Rješenja sa novčanim kažnjavanjem, u nastavku Univerzitet u Sarajevu je zakonski ostavljenom roku pokrenuo upravni spor protiv ovog Rješenja Ministarstva,
16. Dana 28. 11. 2023. godine na Univerzitetu u Sarajevu izvršen je treći kontrolni nadzor u kojem je utvrđeno da Rješenje Inspektorata nije izvršeno i postupajući inspektor je pravnom i odgovornom licu Univerziteta izdao prekršajne naloge,
17. Dana 27. 12. 2023. godine Inspektor je donio treći Zaključak o dozvoli prisilnog izvršenja predmetnog Rješenja sa novčanim kažnjavanjem,
18. U zakonski ostavljenom roku Univerzitet u Sarajevu je izjavio žalbu drugostepenom organu (Ministarstvu) na treći Zaključak o dozvoli prisilnog izvršenja predmetnog Rješenja sa novčanim kažnjavanjem,
19. Dana 11. 01. 2024. godine Univerzitet u Sarajevu je uputio Ministarstvu Zahtjev za upotrebu vanrednih pravnih sredstava u konkretnom predmetu. Ovaj Zahtjev Ministarstvo je u nastavku odbilo svojim podneskom.
20. Dana 19. 02. 2024. godine Ministarstvo je odbilo kao neosnovanu žalbu Univerziteta na treći Zaključak o dozvoli prisilnog izvršenja predmetnog Rješenja sa novčanim kažnjavanjem, u nastavku Univerzitet u Sarajevu je zakonski ostavljenom roku pokrenuo upravni spor protiv ovog Rješenja Ministarstva,
21. Dana 03. 07. 2024. godine Kantonalni sud u Sarajevu je u upravnom sporu protiv Rješenja Ministarstva i Rješenja Inspektorata donio Presudu kojom se tužba tužitelja odbija kao neosnovana,
22. Dana 16. 07. 2024. godine Univerzitet u Sarajevu je podnio Vrhovnom sudu FBiH zahtjev za vanredno preispitivanje Presude Kantonalnog suda u Sarajevu,
23. Dana 03. 09. 2024. godine Univerzitet u Sarajevu je, na prijedlog Farmaceutskog fakulteta, podnio apelaciju Ustavnom sudu BiH,
24. Dana 04. 09. 2024. godine na Univerzitetu u Sarajevu izvršen je četvrti kontrolni nadzor u kojem je utvrđeno da Rješenje Inspektorata nije izvršeno i postupajući inspektor je pravnom i odgovornom licu Univerziteta je konstatovao da je time počinjen prekršaj, te da će djelovati novim zaključkom o dozvoli prisilnog izvršenja rješenja sa novčanim kažnjavanjem.

U skladu sa svim naprijed navedenim, nakon provedene diskusije, jednoglasno je donesena slijedeća

## ODLUKA

### I

Ovom Odlukom stavlja se van snage tačka 2. Odluke Senata Univerziteta u Sarajevu broj: 01-23-54/21 od 22. 12. 2021. godine, kojom se daje saglasnost na raspisivanje konkursa za izbor nastavnika u zvanju docenta za predmete *Farmakologija I* i *Farmakologija II* – 1 izvršilac sa punim radnim vremenom na Univerzitetu u Sarajevu – Farmaceutskom fakultetu.

### II

U ostalom dijelu Odluka Senata Univerziteta u Sarajevu broj: 01-23-54/21 od 22. 12. 2021. godine ostaje nepromijenjena i u svemu se odgovarajuće primjenjuje.

### III

Imajući u vidu prava i obaveze na radu i u vezi radom kandidatkinje izabrane u zvanje docenta na Univerzitetu u Sarajevu – Farmaceutskom fakultetu prema konkursu iz tačke I ove Odluke, ova Odluka dostavlja se Ministarstvu za nauku, visoko obrazovanje i mlade Kantona Sarajevo i Kantonalnoj upravi za inspekcijske poslove Kantona Sarajevo sa zahtjevom za davanje instrukcije za dalje postupanje.

### IV

Ova Odluka stupa na snagu danom donošenja.

#### **Ad-2.**

**Zapisnik o inspekcijskom nadzoru Inspektorata prosvjetne inspekcije Kantona Sarajevo, broj: UP-1-14-12-34-01889/24-12/05 od 02. 09. 2024. godine:**

U vezi sa ovom tačkom Dnevnog reda uvodne napomene je dao prof. dr. Sead Turčalo, dekan Univerziteta u Sarajevu – Fakulteta političkih nauka. Prof. Turčalo je istakao da je u februaru 2024. godine, prosvjetni inspektor Kantonalne uprave za inspekcijske poslove, Inspektorat prosvjetne inspekcije izvršio je inspekcijski nadzor na Univerzitetu u Sarajevu – Fakultetu političkih nauka na okolnosti da li je Ramović Muhamed ispunjavao uslove za upis na magistarski studij, te je s tim u vezi podnositelju prijave gospodinu Azizu Tafri dostavljena Obavijest Inspektorata prosvjetne inspekcije o izvršenom inspekcijskom nadzoru. Nakon ove aktivnosti od strane podnositelja prijave zatraženo je pokretanje postupka poništenja diplome magistra političkih nauka Ramović Muhameda. Nadalje, Kantonalna uprava za inspekcijske poslove je svojim Rješenjem utvrdila da se u vezi diplome Ramović Muhameda postupi u skladu sa odredbama članova 283. 284. 285. i 286. Statuta Univerziteta u Sarajevu. Ovaj predmet je preuzelo i Kantonalno tužilaštvo Kantona Sarajevo, koje je zatražilo dostavu informacije od strane Fakulteta da li su ovlaštena lica Fakulteta/Univerziteta u Sarajevu postupila u skladu sa odredbama Statuta Univerziteta u Sarajevu.

Prof. dr. Rifat Škrijelj je istakao da je Univerzitet u Sarajevu podnio Žalbu Ministarstvu za nauku, visoko obrazovanje i mlade Kantona Sarajevo na Rješenje Kantonalne uprave za inspekcijske poslove, kao i da je u ovom predmetu zatraženo očitovanje dekana Univerziteta u Sarajevu – Fakulteta političkih nauka. Nakon očitovanja Vijeća Univerziteta u Sarajevu – Fakulteta političkih nauka, kojim je ujedno i zatraženo autentično tumačenje odredbe člana 283. stav (2) tačka b) Statuta Univerziteta u Sarajevu, Senat Univerziteta u Sarajevu je na sjednici održanoj u julu 2024. godine, konstatirao da se nisu stekli uvjeti za započinjanje postupka poništenja javne isprave (diplome) u skladu sa odredbama Statuta Univerziteta u Sarajevu, pri tome posebno imajući u vidu odredbu člana 77. stav (1) Zakona o visokom obrazovanju kojom je jasno utvrđeno kada je Univerzitet u obavezi poništiti javnu ispravu. Na navedenoj sjednici Senata u skladu sa zahtjevom Vijeća Univerziteta u Sarajevu – Fakulteta političkih nauka, dato je Autentično tumačenje odredbe člana 283. stav (2) tačka b) Statuta Univerziteta u Sarajevu. Prof. dr. Rifat Škrijelj se također osvrnuo na Zapisnik Kantonalne uprave za inspekcijske poslove, Inspektorata prosvjetne inspekcije od 02. 09. 2024. godine u kojem je postupajući inspektor konstatirao da Univerzitet u Sarajevu nije postupio na način i u roku kako je to naloženo Rješenjem, te da je počinjen prekršaj i da će postupajući inspektor u skladu sa Zakonom o inspekcijama Kantona Sarajevo donijeti Zaključak o dozvoli prisilnog izvršenja. Prof. dr. Rifat Škrijelj je ovom prilikom istakao da su u dnevnom listu „Dnevni avaz“ objavljivani sadržajno neistiniti članci u kojima se isticala odgovornost Rektora i Univerziteta za nepoduzimanje aktivnosti na poništenju javne isprave (diplome) Ramović Muhameda.

U nastavku, na zahtjev prof. dr. Rifata Škrijelja kompletna hronologija aktivnosti u ovom predmetu sa kojom raspolaže Univerzitet u Sarajevu, se navodi u nastavku:

- Dana 22. 02. 2024. godine, postupajući po anonimnoj prijavi, prosvjetni inspektor Kantonalne uprave za inspekcijske poslove, Inspektorat prosvjetne inspekcije izvršio je inspekcijski nadzor na Univerzitetu u Sarajevu – Fakultetu političkih nauka, na okolnosti da li je Ramović Muhamed ispunjavao uslove za upis na magistarski studij;
- Dana 22. 02. 2024. godine dostavljena je Obavijest Kantonalne uprave za inspekcijske poslove, Inspektorat prosvjetne inspekcije o izvršenom inspekcijskom nadzoru gđinu. Azizu Tafri;
- Dana 27. 02. 2024. godine Univerzitet u Sarajevu je zaprimio Informaciju Kantonalne uprave za inspekcijske poslove, Inspektorat prosvjetne inspekcije o izvršenom inspekcijskom nadzoru;
- Dana 06. 03. 2024. godine Univerzitet u Sarajevu je zaprimio Zahtjev za pokretanje postupka poništenja diplome magistra političkih nauka Ramović Muhameda od strane podnosioca Aziza Tafre;
- Dana 03. 05. 2024. godine Kantonalna uprave za inspekcijske poslove je donijela Rješenje kojim se naređuje Univerzitetu u Sarajevu da u vezi diplome Ramović Muhameda postupi u skladu sa odredbama članova 283. 284. 285. i 286. Statuta Univerziteta u Sarajevu;
- Dana 13. 05. 2024. godine Univerzitet u Sarajevu podnio je Žalbu Ministarstvu za nauku, visoko obrazovanje i mlade Kantona Sarajevo na Rješenje Kantonalne uprave za inspekcijske poslove;

- Dana 29. 05. 2024. godine rektor Univerziteta u Sarajevu je zatražio Očitovanje dekana Univerziteta u Sarajevu – Fakulteta političkih nauka u vezi diplome Ramović Muhameda;
- Dana 16. 05. 2024. godine Univerzitet u Sarajevu je zaprimio Zahtjev Kantonalnog tužilaštva Kantona Sarajevo za dostavu informacije da li su ovlaštena lica Univerziteta u Sarajevu postupila u skladu sa odredbama članova 283. 284. 285. i 286. Statuta Univerziteta u Sarajevu;
- Dana 31. 05. 2024. godine Univerzitet u Sarajevu je zaprimio Zahtjev Ureda za borbu protiv korupcije Kantona Sarajevo za dostavu podataka i dokumentacije da li su ovlaštena lica Univerziteta u Sarajevu postupila u skladu sa Rješenjem Kantonalne uprave za inspekcijske poslove od 03. 05. 2024. godine;
- Dana 03. 06. 2024. godine rektor Univerziteta u Sarajevu je dostavio Informaciju Kantonalnom tužilaštvu Kantona Sarajevo;
- Dana 05. 06. 2024. godine rektor Univerziteta u Sarajevu je dostavio Informaciju Uredu za borbu protiv korupcije i upravljanje kvalitetom;
- Dana 10. 06. 2024. godine Ministarstvo za nauku, visoko obrazovanje i mlade Kantona Sarajevo je rješavajući po žalbi Univerziteta u Sarajevu donijelo Rješenje kojim se odbija Žalba Univerziteta u Sarajevu kao neosnovana, te se potvrđuje Rješenje Kantonalne uprave za inspekcijske poslove;
- Dana 02. 07. 2024. godine Univerzitet u Sarajevu je zaprimio Očitovanje Vijeća Univerziteta u Sarajevu – Fakulteta političkih nauka u vezi diplome Ramović Muhameda;
- Dana 17. 07. 2024. godine Senat Univerziteta u Sarajevu je dao Autentično tumačenje odredbe člana 283. stav (2) tačka b) Statuta Univerziteta u Sarajevu;
- Dana 17. 07. 2024. godine Kantonalnoj upravi za inspekcije poslove Univerzitet u Sarajevu je dostavio Autentično tumačenje Statuta sa pratećom dokumentacijom;
- Dana 02. 09. 2024. godine postupajući inspektor Kantonalne uprave za inspekcijske poslove, Inspektorat prosvjetne inspekcije, izvršio je inspekcijski nadzor na Univerzitetu u Sarajevu, u predmetu nadzora *kontrola izvršenja Rješenja* Kantonalne uprave za inspekcijske poslove od 03. 05. 2024. godine, kojim je u nalazu inspekcijskog nadzora konstatovano da Univerzitet u Sarajevu nije postupio na način i u roku kako je to naloženo Rješenjem, čime je konstatovano da je *počinjen prekršaj* iz člana 83. Zakona o inspekcijama Kantona Sarajevo, te da će postupajući inspektor u skladu sa Zakonom o inspekcijama Kantona Sarajevo donijeti *Zaključak o dozvoli prisilnog izvršenja*.

Također, prof. Škrijelj je informisao članice i članove Senata da je zbog postupanja Inspektorata prosvjetne inspekcije Kantona Sarajevo prema Univerzitetu u Sarajevu u augustu 2024. godine podnio krivične prijave protiv postupajućih inspektorica Kantonalne uprave za inspekcijske poslove, Inspektorata prosvjetne inspekcije, kao i resorne Ministrice za nauku, visoko obrazovanje i mlade Kantona Sarajevo. Također je naglasio da se nada da će Kantonalno tužilaštvo Kantona Sarajevo postupati po ovim prijavama, bez selektivnog pristupa.

Nakon kraće diskusije u kojoj su učešće uzeli prof. dr. Sead Turčalo, prof. dr. Rifat Škrijelj, prof. dr. Tarik Zaimović, a u skladu s stavovima iznesenim u diskusiji, jednoglasno je donesena slijedeća



## ODLUKA

### I

***Pokreće se*** postupak za poništenje javne isprave (*diplome*) Univerziteta u Sarajevu imaoca javne isprave, koja se u Matičnoj knjizi postdiplomski studij magistri Univerziteta u Sarajevu – Fakulteta političkih nauka vodi pod rednim brojem 324 u skladu sa Rješenjem Kantonalne uprave za inspeksijske poslove Kantona Sarajevo broj: UP-1-14-12-34-01889/24 od 03. 05. 2024. godine.

### II

Komisija za provođenje postupka iz tačke I ove Odluke ima sedam (7) članova, pri čemu se vodi računa o zastupljenosti svih predstavnika vijeća grupacija nauka/umjetnosti Univerziteta.

Zadužuju se vijeća grupacija nauka/umjetnosti Univerziteta (*Vijeće Grupacije društvenih nauka, Vijeće Grupacije humanističkih nauka, Vijeće Grupacije medicinskih nauka, Vijeće Grupacije tehničkih nauka, Vijeće Grupacije prirodno-matematičkih i biotehničkih nauka i Vijeće Grupacije umjetnosti*) da zaključno do 18. 09. 2024. godine, Univerzitetu u Sarajevu dostave usaglašeni prijedlog po jednog člana/članice Komisije za provođenje postupka iz tačke I ove Odluke.

U Sastav Komisije za provođenje postupka iz tačke I ove Odluke ulazi i sekretar Univerziteta u Sarajevu – Fakulteta političkih nauka.

### III

Ova Odluka stupa na snagu danom donošenja.

#### **Ad-3.**

**Zapisnik o inspeksijskom nadzoru inspektorata prosvjetne inspekcije Kantona Sarajevo, broj: UP-1-14-12-34-13920/24-12/08 od 02. 09. 2024. godine:**

U sklopu ova tačke Dnevnog reda za riječ se javio Imran Pašalić, predsjednik Udruženja Studentski parlament Univerziteta u Sarajevu i istakao da je ovakvo postupanje Inspektorata prosvjetne inspekcije, uz činjenicu da predstavnici Studentskog parlamenta nisu imenovani u radnu grupu za izradu teksta nacrtu Zakona o izmjenama i dopunama Zakona o visokom obrazovanju Kantona Sarajevo i nacrtu Zakona o naučnoistraživačkoj djelatnosti Kantona Sarajevo, dovoljno govori o odnosu prema Univerzitetu u Sarajevu i njegovim studentima.

Nakon kraćeg izlaganja prof. dr. Dženane Husremović, postupajući po Zapisniku o usmjerenom inspeksijskom nadzoru Inspektorata prosvjetne inspekcije Kantona Sarajevo, broj: UP-1-14-12-34-13920/24-12/08 od 02. 09. 2024. godine, uz 1 (jedan) „Suzdržan“ glas donesena je slijedeća

# ODLUKA

## I

Stavlja se van snage tačka I Odluke Senata Univerziteta u Sarajevu broj: 01-13-33/24 od 17. 07. 2024. godine (u daljem tekstu: osnovna Odluka).

## II

U obrazloženju osnovne Odluke, dio teksta koji glasi: „*te zbog nemogućnosti određenih članica Univerziteta u Sarajevu da organiziraju jedan ispit u jednom danu*“ se briše.

## III

Zadužuju se dekani i prodekani za nastavu fakulteta i akademija Univerziteta u Sarajevu kod kojih je prilikom organizacije rasporeda polaganja ispita u septembarskom ispitnom terminu došlo do utvrđivanja dva ispita u jednom danu, omogućće studentima po pojedinačnom zahtjevu polaganje drugog ispita u drugom datumskom terminu.

## IV

U ostalom dijelu osnovna Odluka ostaje nepromijenjena i u svemu se odgovarajuće primjenjuje.

## V

Ova odluka stupa na snagu danom donošenja.

### **Ad-4.**

#### **Izdavački savjet:**

#### **Jednoglasnu su donesene slijedeće odluke:**

- Daje se saglasnost da se Monografija „Univerzitet u Sarajevu (2016-2024): reforma i integracija“, glavni i odgovorni urednik: prof. dr. Rifat Škrijelj, izda kao univerzitetsko izdanje.
- Daje se saglasnost na objavljivanje u ediciji *Posebna izdanja*: Monografija „Univerzitet u Sarajevu (2016-2024): reforma i integracija“ uz prilog: „Univerzitet u Sarajevu kroz objektiv (2016–2024): fotomonografija“, glavni i odgovorni urednik: prof. dr. Rifat Škrijelj.

### **Ad-5.**

#### **Tekuća pitanja:**

Prof. dr. Rifat Škrijelj je naglasio da je Univerzitet u Sarajevu pod velikim pritiscima pojedinaca i državnih institucija, koje se posebno ogleda na uplitanje u autonomna pitanja i akademsku samoupravu Univerziteta u Sarajevu.

S tim u vezi prof. dr. Rifat Škrijelj je informisao članice i članove Senata da je na Univerzitetu u Sarajevu dana 02. 09. 2024. godine izvršen Inspekcijski nadzor po anonimnim prijavama koje se odnose na ukazivanje na moguću nezakonitost u izboru Rektora Univerziteta u Sarajevu, odnosno problematiziranje glasanja lica sa ovlaštenjima, kao i glasanja lica (dekana/direktora)

ovlaštenih za zastupanje za koje je u toku upis promjena podataka u sudskom registru pred nadležnim sudom.

Prof. Škrijelj se posebno osvrnuo na tendenciozno iznošenje političkih i lično motiviranih neistina o prof. dr. Tariku Zaimoviću, kao novoizabranom rektoru od strane određenog broja medijskih kuća. Također je istakao da su od strane Ministarstva unutrašnjih poslova Kantona Sarajevo, po uputama Tužioca Kantonalnog tužilaštva Kantona Sarajevo, poduzete radnje na provjeri navoda po anonimnoj prijavi u kojoj se ukazuje na moguću nezakonitost u izboru Rektora Univerziteta u Sarajevu. S tim u vezi, istakao je oslanjajući se na osnovne principe djelovanja visokoškolskih ustanova *autonomiju i akademsku samoupravu*, koja se ogleda u sposobnosti univerziteta i slobodi da samostalno donosi odluke i upravlja svojim poslovanjem, neovisno o vanjskim utjecajima ili uplitanju, da Univerzitet u Sarajevu djeluje u skladu sa posebnim propisima iz oblasti visokog obrazovanja i naučnoistraživačkog rada. Navedeno se naročito odnosi na *pravo izbora akademskih, upravnih i rukovodnih tijela Univerziteta u Sarajevu*, na temelju čega je Senat Univerziteta u Sarajevu proveo proceduru izbora rektora Univerziteta u Sarajevu za mandatni period 2024-2028. godina.

Nadovezujući se na izlaganje prof. dr. Rifata Škrijelja, prof. dr. Jasmin Ahić je istakao da je u funkciji predsjednika Komisije za provođenje procedure izbora rektora Univerziteta u Sarajevu za mandatni period 2024-2028. godina pozvan od strane Ministarstva unutrašnjih poslova Kantona Sarajevo na razgovor. Ovom prilikom prof. Ahić je istakao da je naročito ponosan na objektivni i profesionalni rad Komisije za provođenje procedure izbora rektora Univerziteta u Sarajevu za mandatni period 2024-2028. godina.

Sjednica je završena u 14:30 sati.

***R E K T O R***

***Prof. dr. Rifat Škrijelj, s.r.***

*Zapisničarka:*

*Alma Voloder-Madacki, dipl.iur. s.r.*